

Սորվինք Նոյի Աղանիէն
Չեռնունայն չդառնալ

«Իրիկուան դէմ աղանին անոր եկաւ եւ ահա իր բերանը ձիթենիի նոր փրցուած տերեւ մը կար...» (Ծն. 8.11): Չիթենին խաղաղութեան նշան է: Չե՞ս ուզեր աղանին նման խաղաղութիւն ու հաշտութիւն խորհրդանշող ձիթենիի տերեւը ձեռքիդ դառնալ Քրիստոսի: Եթէ Տիրոջ հետ հաշտուելու փափաք ունիս, եկո՛ւր իրեն. եկո՛ւր խաղաղութեան տերեւը ձեռքիդ մէջ, եկո՛ւր հաւատքը սիրտիդ մէջ, եկո՛ւր յոյսը հոգիիդ մէջ: Աղանին եկաւ եւ տապանէն ներս առնուեցաւ: Եթէ աղանին ներս առնուեցաւ, կարելի՞ քան է, որ Տէրը մերժէ քեզ ներս առնել: Եկո՛ւր Տիրոջ կեանքիդ բոլոր տերեւներով, այսինքն՝ բոլոր տկարութիւններովդ, բոլոր հարցերովդ, բոլոր մտահոգութիւններովդ եւ բոլոր սիրտովդ:

ԱՌԱՎՆԵՐ ԳԼՈՒԽ ԻԲ.

Լաւ անունը, նախընտրելի է մեծ հարստութենէն եւ բարի համբարը՝ ոսկիէն ու արծաթէն: Հարուստն ու աղքատը հաւասար են, երկուքն ալ Տիրոջ կողմէ պիտի դատուին: Խորագետը տեսնելով չարագործին պատժուիլը՝ ինքզինք կը սրբագրէ, մինչ անմիտները՝ անտեսելով կը տուժեն: Իմաստութեան ակունքը Տիրոջ երկիւղն է, որ թէ՛ հարստութիւն է, թէ՛ փառք եւ թէ՛ կեանք:

Սաղմոս 21

Տէ՛Ր, քու պարգեւած գորութեամբդ թագաւորը ուրախ պիտի ըլլայ, եւ պարգեւած յաղթանակովդ մեծապէս պիտի ցնծայ: Անոր սիրտին փափաքը կատարեցիր, եւ չմերժեցիր անոր խնդրանքը:

Տէ՛Ր, օրհնութեանդ բարիքներով դիմաւորեցիր թագաւորը, եւ զուտ ոսկիէ թագ դրիր անոր գլխուն:

Քեզմէ կեանք խնդրեց, եւ անոր երկար օրեր տուիր, եւ տուիր աւելիով: Քու պարգեւած յաղթանակովդ բարձրացուցիր անոր փառքը, վայելչութիւն ու պատիւ տուիր անոր: Օրհնութիւններդ անոր վրայ մշտական դարձուցիր, եւ քու ներկայութեամբդ ուրախութեամբը լեցուցիր: Որովհետեւ թագաւորը ՏԻՐՈՋ վստահեցաւ, Բարձեալին ողորմութեամբը պիտի չսասանի:

Ո՛վ թագաւոր, քու ձեռքդ պիտի հասնի բոլոր թշնամիներուդ, քու գորութեամբդ պիտի բռնես քեզ ատողները: Չանոնք բոցավառ թոնիրիպիտի վերածես երբ որ յայտնուիս: Տէ՛ՐԸ իր բարկութեամբ զանոնք պիտի կլլէ, եւ կրակը պիտի սպառէ զանոնք:

Սիրելի ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարդալու կամ անդամագրուելու համար:

ՀԱՍՅԷ.

ՃՐԱԳ ՇԱԲԱԾԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 -Tel/Fax:01-258300- facebook-ի էջ jerak Ծրագր թերթ



ԲՈՒ ԽՍՏԵՐ ԽՍ ՈՏԵՐՈՒՄ ԵՐԱԳ Է ՈՒ ԽՍ ՇԱԽՂՆԵՐՈՒՄ ԼՈՅՍ (Ս, 119-105)

ԺԳ. ՏԱՐԻ

ԿԻՐԱԿԻ, 2 ՕԳՈՍՏՈՍ 2020

ԹԻԻ 31

ԿԻՐԱԿԻ ՕՐԵՐՈՒ ԱՍՏՈՒԱԾԱՇՆՉԱԿԱՆ ԸՆԹԵՐՑՈՒՄՆԵՐ

Եւ. 5.1-10: Ա. Կրթ. 6.18-7.11

ՅԻՍՈՒՄ ՔՐԻՍՏՈՍԻ ԱԲԵՏԱՐԱՆԸ ԸՍՏ ՄԱՏԹԷՈՍ 19: 3-12

ՅԻՍՈՒՄ ՔՐԻՍՏՈՍԻ ԱԲԵՏԱՐԱՆԸ
ԸՍՏ ՄԱՏԹԷՈՍԻ
19.3-12

Փարիսեցիներ Զիսուր փորձելու մտադրութեամբ մօտեցան անոր եւ հարցուցին. «Իրատունք ունի՞ մէկը, որեւէ պատճառով իր կիներ արձակելու»:

Զիսուս անոնց պատասխանեց. «Չէ՞ք կարդացած Սուրբ Գիրքերուն մէջ, թէ Աստուած սկիզբէն արու եւ էգ ստեղծեց մարդիկը եւ ըսաւ անոնց. “Այս պատճառով այրը պիտի ձգէ իր հայրն ու մայրը եւ իր կնոջ միանայ եւ երկուքը մէկ մարմին պիտի ըլլան”: Հետեաբար այլեւս երկու չեն, այլ մէկ մարմին: Ուրեմն, ոեւէ մէկը թող չբաժնէ անոնք, որ Աստուած միացուց»:

Փարիսեցիները դարձեալ հարցուցին. «Հապա ինչո՞ւ Մովսէս օրէնք սահմանեց՝ բաժանման թողթ տալ կնոջ եւ արձակել զայն»: Զիսուս պատասխանեց. «Մովսէս ձեր խստասրտութեան պատճառով արտօնեց արձակել ձեր կիները, սակայն ստեղծագործութեան ժամանակ արձակելու խօսք չկար: Գիտցէք նաեւ, թէ ով որ իր կիներ կ'արձակէ առանց պոռնկութեան պատճառի եւ ուրիշ մը կ'առնէ՝ շնութիւն ըրած կ'ըլլայ. եւ ով որ արձակուած կիներ կ'առնէ՝ ան ալ շնութիւն ըրած կ'ըլլայ»:

Աշակերտները ըսին Զիսուսի. «Եթէ ամուսնութիւնը այդպէս դատապարտութեան պատճառ կրնայ ըլլալ այր մարդուն եւ կնոջ համար, աւելի լաւ է չամուսնանալ»:

Զիսուս ըսաւ. «Բայց ամէն մարդ չի կրնար առանց ամուսնութեան մնալ, այլ՝ միայն անոնք, որոնց Աստուած կարողութիւն տուած է: Որովհետեւ մարդիկ չեն ամուսնանար այն պարագաներուն, երբ ծնունդով ներքինի են, կամ մարդոց կողմէ ներքինի եղած են եւ կամ իրենք զիրենք ներքինի դարձուցած են Աստուծոյ արքայութեան համար: Ով, որ կրնայ ընդունիլ իմ հաստատումս, թող կատարէ զայն»:

**ՄԱՐԳԱՐԷԱԿԱՆ ԳԻՐՔԵՐ
ՊՕՂՈՍ ԱՌԱՔԵԱԼԻ ԵՎԱՄԱԿՆԵՐ**

**ԵՍԱՅԻ ՄԱՐԳԱՐԷԻՆ ԳԻՐՔԷՆ
5.1-10**

Լսեցէ՛ք սիրոյ երգը, որ ձեզի պիտի երգեմ ի դիմաց սիրականին, որ կ'երգէ իր սիրելի այգիին:

«Ես, սիրականս, այգի մը առի բաբեր բլուրի մը վրայ, ցանկով պատեցի, ձողերով պատ քաշեցի անոր շուրջը, եւ ընտիր խաղողի որթատունկ տնկեցի: Այգիին կեդրոնը աշտարակ մը կանգնեցի եւ հնձան մըն ալ փորեցի եւ ապա սպասեցի, որ ընտիր խաղող տայ, բայց միայն ազոխ տուաւ:

Արդ, ո՛վ բնակիչներ Յուդայի ու Երուսաղէմի, դու՛ք դատեցէ՛ք իմ եւ այգիիս խնդիրը: Ուրիշ ի՞նչ պէտք էր ընէի այգիիս համար եւ չըրի, եւ ահա խաղողի փոխարէն ազոխ տուաւ ինձի:

Հիմա ես ձեզի ըսեմ, թէ ինչ պիտի ընեմ այգիիս. պիտի քակեմ ցանկապատը, որպէսզի գազաններուն նարակ դառնայ, պիտի փյցնեմ պատերը, որպէսզի ոտքի կոխան ըլլայ: Խոպան պիտի ձգեմ. ո՛չ պիտի յօտեմ եւ ոչ ալ բրեմ. պիտի թողում, որ փուշ ու տատասկ բուսցնէ, եւ ամպերուս պատուէր պիտի տամ, որ չանձրեւեն այգիիս վրայ»:

Երկնաւոր Զօրքերու Տիրոջ այգիին Իսրայէլի տունն է, իսկ անոր սիրածնոր որթատունկը՝ Յուդայի բնակիչները: Անոնցմէ իրաւունք ակնկալեց, բայց անիրաւութիւն գտաւ: Արդարութիւն կամեցաւ, բայց աղաղակող անարդարութիւն տեսաւ: Վա՛յ անոնց, որոնք իրարու ետեւ տուն կը գնեն, նոր կալուածներ կը բարդեն իրենց ունեցածներուն վրայ, ընկերոջ բան չձգելու համար: Միթէ առանձին պիտի ապրիք աշխարհի վրայ:



**ԿՈՐԹՍՑԻՆՅՈՒՆ
6.15-7.11**

Զե՛ք գիտեք, թէ ձեր մարմինները Բրիստոսի անդամներն են: Բրիստոսի անդամները առնենք պոռնիկի անդամ դարձնենք: Բնաւ երբեք: Զե՛ք որ գիտէք, թէ պոռնիկին միացողը անոր հետ մէկ մարմին կը կազմէ, որովհետեւ գրուած է. «Երկուքը մէկ մարմին պիտի ըլլան»: Նոյնպէս ալ, ով որ Տիրոջ միանայ՝ անոր հետ մէկ հոգի կ'ըլլայ: Հետեւաբար պոռնկութենէ հեռու փախէ՛ք: Բոլոր միւս մեղքերը, որ մարդ կը գործէ, իր մարմինին հետ կապ չունին, բայց պոռնկութիւն ընողը իր մարմինին դէմ կը մեղանչէ: Զե՛ք գիտեք, որ ձեր մարմինները տա՛նքարն են Սուրբ Հոգիին, որ Աստուծմէ առիք եւ ձեր մէջ կը բնակի: Գիտցէ՛ք, որ դուք չէք ձեր անձերուն տէրը, այլ՝ Աստուած, որ փրկագինով ձեզ գնեց: Հետեւաբար այնպէս ապրեցէ՛ք, որ Աստուած փառաւորուի ձեր մարմիններով:

Զեր նամակին մէջ ինձի գրած էիք նաեւ այն մասին, թէ մարդ լաւ կ'ընէ եթէ բնաւ չամուսնանայ: Բայց որպէսզի պոռնկութեան մէջ չիյնաք՝ ամէն մարդ իր կինը թող ունենայ եւ ամէն կին՝ իր ամուսինը, որպէսզի կնոջ պէտքերը այրը գոհացնէ եւ ամուսնոյն պէտքերը՝ կինը: Որովհետեւ կինը իր մարմինն տէրը չէ, այլ՝ ամուսինը, ո՛չ ալ այրը իր մարմինն տէրն է, այլ՝ կինը: Երկար ատեն հեռու մի մնաք իրարմէ:

ՍՈՒՐԵՐ ԵՒ ՏՕՆԵՐ

ԳՐԻԳՈՐԻՍ ԵՊԻՍԿՈՊՈՍ

Վրթանէսի անդրանիկ որդին, Գրիգոր Լուսաւորիչի թոռնիկ, որ ըստ պատմութեան Խորենացիի կողմէ, եպիսկոպոս ձեռնադրուեցաւ Փայտակարան նահանգին, կամ ըստ յետնագոյն վկայութեանց, Վրաց եւ Ադուանից: Իր դէմքը մեր եկեղեցական պատմութեան մէջ կը ներկայացնէ Հայ Եկեղեցւոյ կողմէն դրացի հեթանոս ազգերուն մէջ քրիստոնէութիւնը փարոզելու համար ի գործ դրուած ջանքը, որ յաճախ նահատակութիւններու ալ պատճառ դարձաւ: Հետեւաբար, կը պատմուի իրեն համար, թէ անարժան ցեղապետներու դէմ կշտամբող դիրք բռնած ըլլալու համար ձիւ ազիին կապուելով քաշկոտած է փարերու եւ թուփերու վրայէն, Կասպից ծովուն մօտ Վատնեան դաշտին մէջ եւ այսպէս մեռած եւ Փոքր Սիւնիքի Ամարաս աւանին մէջ թաղուած է իր սարկաւազներուն ձեռքով: Իսկ Ե. դարուն, Ադուանից Վաչագան թագաւորին օրով իր նշխարները գտնուած ըլլալով, անոնց վրայ եկեղեցի մը շինուեցաւ Ս. Գրիգորիս անունով, 489-ին:

ԴՆՆԻԷԼ ԵՊԻՍԿՈՊՈՍ

Յուսիկի յաջորդ կը հրաւիրուի Դանիէլ ասորի եպիսկոպոսը, որ Լուսաւորիչի աշակերտներէն կը նկատուի, եւ կառավարիչն էր Տարօնոյ վանքին: Սրբակեաց անձի մը համբաւն ունէր ան եւ հեթանոսներու մէջ քրիստոնէութիւն փարոզած էր, իսկ ծերութեան օրերուն միայնացած կ'ապրէր Տարօնոյ Դրախտ Հացեաց կոչուած վանքին մէջ:

ԱՂՕԹՔ

**ԱՌԱՒՕՏԵԱՆ ԱՂՕԹՔ ՕԳՆՈՒԹԵԱՆ
ՀԱՄԱՐ (ՍՍԱՂՄՈՍ 3)**

Տէ՛ր, ինչքա՛ն շատ են զիս նեղողները, ինչքա՛ն շատ են ինձի դէմ ելողները: Շատերը ինձի համար կ'ըսեն. «Անկարելի է, որ Աստուած զինք փրկէ»: Բայց դուն ո՛վ Տէր, դո՛ւն ես պաշտպան վահանս, դո՛ւն ես փառքս, գլուխս բարձր պահողը: Ամբողջ ձայնով Տիրոջ աղաղակեցի եւ իր սուրբ լեռնէն պատասխան տուաւ ինձի: Ես կը պատկիմ կը բնանամ վստահ, որ գիշերն ամբողջ Տէրը զիս կը պահպանէ: Ուստի բնա՛ւ չեմ վախնար բիւրաւոր այն մարդոցմէ, որոնք ամէն կողմէ զիս կը պաշարեն: Ե՛լ, ո՛վ Տէր, փրկէ՛ զիս, ո՛վ իմ Աստուածս, ապտակ մը տո՛ւր թշնամիներուս, փրկէ՛ ամբարիշտներուն ակոսները: Փրկութիւն դո՛ւն կու տաս, Տէ՛ր, թող օրհնութիւնդ ժողովուրդիդ վրայ ըլլայ: